

КОМСОМОЛОНЬ В АЙГЯЛЬ

Сембе масторонь пролетариятне, курожада маре!

ЛИСЕНДИ VI-це КИЗОСЬ

ВЛКСМ-нь Мордовский
обкомть и Саранскяень
горкомть газетасна

Адресс: г. Саранск, ул. Ленина 11,
телефон № 1—72.

ФЕВРАЛЬТЬ
27-ЦЕ ШИСТОНЗА
1938 КИЗОНЯ
24 (540)

Лисенди ковти 12-кетъ.

Возглавить политико- воспитательнай работатъ тундань видемати анокламань работаса

Тяддень кизось замечательнай сянъ мархта, што сон совпадает колмоце пятилеткань васенце кизоть мархта. Сон должен арамс колхозникнень сядатов зажиточнай эряфснон касфтомаснонды, сядатоволдонь оцю урожаень получама кизокс.

Тянди колхознай крестьянствать улихть сембе условиянза. Минь социалистический велень хозяйстваньке, сонъ од счастливый советский крестьянстванц мархта, сонъ замечательнай кадрозон мархта, сонъ мощнай первокласснай техниканц мархта, кирди эсь эсонза неисчерпаемай вий, конац арьсекшневи сталинский победатнень сатомаснонды. Аш кодамовок сомнений, што колхознай крестьянствась эсь первокласснай техниканц и замечательнай кадрозон мархта Сталинский Центральной Комитетть руководстванц вельде, од победатнень 1938 к. сацазь. Партиясь и правительствась тундань видемати анокламань работатъ колга аф кунардонь постановлениясост кемокстась конкретнай ки сянъ инкса, штоба 1938 к. сатомс од, сядатов оцю урожай. Шарьхкодъф, што партиять и правительствать большевистский тя программасна должен арамс комсомолти тундань видемати анокламань работаса действиянь программас. Тя программась арьси неотъемлемайкс партийнай и советский организациятненди.

Комсомольсь—тя инь оцю армия. Сон обязан ленинско-сталинский партияти эрь шиня лездомс эсь практический работанц мархта. Сон обязан эсь работасонза аф юкснемс партиять указаниязон. Тяфтама неотложнай задачац комсомоль.

Комсомольскнень и афсоюзнай одломаттнень лувксснон эзда колхозга кассть тьожатть замечательнай агитаторхт и пропагандистт. Колхознень и совхознень эзга кассть замечательнай стахановский кадрат. Сяс и колхозса комсомольский организациятнень задчасна ащи сянъ эса, штоба окружить од стахановецнень и стахановкатнень, од колхознай специалисттнень и специалисткатнень сталинский заботаса. Комсомольский организациятнень задчасна ащи сянъ эса, штоба од пропагандисттнень и агитаторхнень, конат Верховнай Совету кочкаматнень пингста няфтсть эсь работасост замечательнай результатт, мобилизовандамс тундань видемати анокламань работаса агитационно-массовой работатъ сядатов вишкоте-манц инкса.

Кой-кона комсомольский и советский руководителхне аф атказайхть, штоба корхтамс ораторский оцю речь тундань видемати анокламань работаса культмассовой

работатъ цебяръгафтоманц колга, но, нят ораторхнень валсна аерткшнихть тевть эзда.

МАССР-нь Наркомпроса культпросветонь секторсь тундань видемати анокламати эсь планзонза наметил: анокламс 1200 четшт, НСШ-тнень эзда организовандамс 201 колхозга агитгруппат. Но вдь нят цифратне сьорматфт анычек кагод лангс, а практический работа кодамовок аф йотафневи. МАССР-нь центральной библиоте-кась тундань видемати анокла-мань работати обещал лама ти-емс, но райбиблиотекактенди кучсь анычек рекомендательнай спискат, —мезе лувондомс тундань виде-мати анокламань работатъ пингста. Вдь тя анычек спискат...Спискатъ кол-хозникне аф кармайхть лувондо-монза литературафтома, а литера-тура центральной библиотекасць нингя арьси выписать Москуста. МАССР-нь Совнаркомса искуст-ванъ тевфнень колга управлени-ясць тачити самс арьси сьорма-домс тундань видемати анокла-мань работаса драмкружокненди методический сьорма, но искуст-ванъ управлениять работниконза сяшкава „заняфт“ работаса, нльня аф муйхть пинге методический сьормань сьормадомска. МАССР-нь Наркомздравсь эсь планозонза ке-мокстась, панжомс колхозга 3120 идень яслят тундань видемати пингста, а практический работа кодамовок аф йотафни.

Тя сембе трескотня, а аф лезкс колхозненди тундань видемати анокламань работаса.

Эряви азомс, што ламоц комсо-молонь райкомтне тундань виде-мати анокламань работаса прес-тупна калдыдвста ладязь работатъ. Комсомольский организациятне тундань видемати анокламань ра-ботаса культмассовой работатъ вишкоте-манц инкса кодамовок работа аф йотафнихть. Ковылки-нань районца, Ежка велеса комсо-мольский организациясь тундань видемати анокламань работаса од колхозникнень и колхозницатнень йоткса агитационно-массовой ра-бота аф йотафневи, стахановский движениять сядатов вишкоте-манц инкса аф тюрихть. Аф сядат-лац тевсь ащи Рыбкинань район-ца, Од Толкунь комсомольский ор-ганизацияса, Шайговань районца, Сире Теризморгань комсомольс-кий организацияса.

Комсомольский руководителх-нень задчасна тундань видемати анокламань работаса ащи сянъ эса, штоба организовандамс тун-дань видемати анокламань рабо-таса политико-воспитательнай ра-ботатъ, возглавить одломаттнень йоткса соцсоревнованиять и ста-хановский движениять.



СНИМКАСА: Внутреспубликанский военизированной лыжной эстафетань участникне.

Фотось Веретенниковъ.

Саранск ошонь физкультурникнень работасна

Саранск ошонь физкультур-никне Рабоче-Крестьянский Якстерь Армиять и Якстерь Флотть XX-це годовщианснон праздновандамшистостякасть 25 колхозс, коса йотафнестъ докладт и беседат РККА-ть и Якстерь Флотть колга. Тя по-ходса примастъ участия 140 лыжникит.

Тя всенароднай праздники

анокламань шитнень, пингста 300 одломатть максозь нор-маснон ГТО-нь I ступенень значокти; 28 ломатть примастъ участия стрелковой соревнова-нияса. Республиканский физ-культурань комитетсь нят шит-нень пингста казьсь 18 ломатть од физкультурникт ценнай по-даркаса и грамотаса.

К.

Призть сявозе педучилищась

Февральть 24-це шистонза Саранск ошонь физкультурань комитетсь йотафтсь традици-оннай эстафета РККА-ть и Якстерь Флотть лемса перехо-дящай призть инкса. Призть инкса тюрьсть 11 коллектифт, 77 ломань, синь йоткстост 22 стирнят. Первенствать сявозе

пединститутонь коллективсь, но сяс, мес тя командась при-мась участия конкурсфтома, команднай первенствась при-сужденнай педучилищати.

Эстафетась ульсь пяк инте-реснай: сонъ йотафтомстонза ульсь 2000 лама зрительхть.

С.

Союзнай первенствать инкса

Март ковть 8-це шистонза МАССР-нь физкультурань и спор-тонь комитетсь кучи Свердловск ошу Мордовияста лыжной коман-да союзнай первенствать инкса.

Командав сувсихть Мордовиянь лучшей лыжникне и лыжницатне:

Кайданик, Назарова, Лаптева и лиятне.

Тя командась примосесь участия лама соревнованьяса, коса няфтсь лыжной мастерствань высокой класс.

Купер.

Аноклавихть лыжной соревнованият

Мартть 1-це шистонза МАССР-нь физкультурань и спортонь коми-тетсь йотафты республиканский лыжной классифицированной со-ревнованият. Соревнованияса при-майхть участия Мордовиянь луч-шай лыжниктне, лыжницатне. Сем-боц примайхть участия 78 ломатть, синь эздост 44 цьорат и 34 стирхть.

Соревнованияда меле лыжник-ненди, конат няфтихть результат

всесоюзнай классификациянь лы-жань разряднай норматнень коряс, ули присвоеннай единой все-союзнай классификациянь тя али тона разрядонь звания.

Тяниень пингть физкультурань и спортонь комитетсь йотафни анок-ламань работа нят соревнованьят-ненди.

Мельников.

СОЮЗНАИ КОНСУЛЬТАЦИЯ

Кизефкст и ответт

Кизефкс: Кда ВЛКСМ-нь членонди кандидатс примаф 6 ко-
вонь срок, может али аф улемс
йотафтф ВЛКСМ-нь членкс кан-
дидатскый стаженц йотамда инголе,
кда сон танди лац аноклаф?

Ответ: Кандидатскый стажс, ком-
сомолу сувамат макссеви сянкса,
штоба кандидатс сяда лацкас ано-
клаф, ознакомондаф ВЛКСМ-нь
уставт мархта, машфтольхце эсь
политический афграмотностенц.
Кда ялгас примаф ВЛКСМ-нь член-
онди кандидатокс, тя корхтай сянь
инкса, што сон политически аф са-
томшка аноклаф. Кота ковань
срокс аф лама, штоба тонадомс
комсомолт программанц и уста-
вонц, и кеподемсэсь политический
грамотностенц.

Йотафнемс кандидаттненц
ВЛКСМ-нь членкс кандидатскый
стаженц лисамда инголе аф эряви.

Кизефкс: Может али аф комсо-
молонь райкомс мобилизовандам
комсомолецненц совхосненди ве-
лень хозяйственной работаса лез-
дома?

Ответ: В/хозяйстваса прорывонь
и стак тов машфтомаса, комсо-
молонь всякий мобилизацияс
ВЛКСМ-нь ЦК-ть ширде лоткафтф.
Тяфтама видонь работас комсомо-
лецонь мобилизацияс йотафневи
аньцек ВЛКСМ-нь ЦК-ть разреше-
ниязон коряс.

Кизефкс: Может али аф райко-
монь пленумс копировандам
конференцият решенияфтомонза
пленумонь членкс?

Ответ: Не может. ВЛКСМ-нь
ЦК-ть IV-це пленумоц нингя весть
азозе комсомольский организацият-
ненди, аф новлямс кодамовок на-
значения и копирования. Пленумт
составса изменениятненц может
тиемс аньцек конференцияс и ся-
да варе ащи комсомольский коми-
тетс.

Кизефкс: Может али аф кол-
хознай комсомольский организа-
цият легкой кавалерияс самосто-
ятельна проверямс колхознай кас-
сать и кладовойт?

Ответ: Не может. Кда легкой
кавалериянь группат улихт дан-

наенза хищениятненц колга кла-
довойса и бухгалтерияса, злоупот-
реблениятненц колга, то сон обя-
зан колхознай правленият и ре-
визионнай комиссият вельде про-
верямс кладовойт, кассать, бух-
галтерият и ст. тов., а станя-жа
лездомс ревизионнай комиссияти
лифтемс лангу злоупотребленият-
ненц и машфтомс колхозса аф са-
тыксненц.

Кизефкс: Эряви али аф вешомс
первичнай комсомольский органи-
зациятненц ширде марстонь пу-
ромксонь протоколт эзда выпис-
ка и лия кой-кодама документт
комсомолу сувамат колга заявле-
нияда и анкетада башка, и максомс
синь комсомолонь райкомти?

Ответ: Комсомолу примамста
документокс ащихт одс сувайхт
ялгат аньцек заявленияц и анкетац.
Райкомс обязан ваномс, штоба нят
документтне оформлендакшнево-
лхт точнайста и чьоткайста, чер-
ниласа, всякий поправкафтома.
Первичнай организациянь марс-
тонь пуромкст и райкомт реше-
ниясна приемт колга сьорматкш-
невихт тяка-жа документтненди
особай графас. Сембе даннайхненц,
конатненц вступающайс пачфне-
сыне эсь колганза и рекоменда-
циятненц правильностсна ванондо-
вихт первичнай комсомольский
организацияса и заверендакшне-
вихт тяка-жа организациянь ко-
митетт секретаренц подписенц
мархта. Кодамовок иля выпискат
дополнительнай документт заявле-
ниятненди и анкетатненди путнемс
аф эрявихт.

Кизефкс: Эряви али аф
ВЛКСМ-нь членонди кандидаттне-
дикомсомолонь членкс йотафтомста
заполняндакшнемс анкетат, сьор-
маткшнемс заявленият, каннемс
рекомендацият и кодама либо иля
документт?

Ответ: ВЛКСМ-нь членкс йо-
тафтомат пингста кандидаттне
максихт заявленият. Кодамовок
дополнительнай документт тяда
башка аф эрявихт.

Кизефкс: Должетт али аф ком-
сомолонь райкомонь работникне,

секретархне, пленумонь четтне
иметь эсь работасон колга удо-
стовереният и кие нят удостове-
рениятненц должен максомс?

Ответ: Райкомт пленумонц сем-
бе членонзон, сяка счета и сек-
ретархненц, должетт улемс ман-
датсна, конатненц макссеви
ВЛКСМ-нь райкомс. Райкомт иля-
дыкс работниконзонды удостове-
реният максси райкомт секретарец.

Кизефкс: Может али аф райвоен-
коматтне сьавондемс комсомоль-
ский членский билеттненц, коста
комсомолецс призывандай армияв
али йотай допризывнай подготов-
каса, а станя-жа могут али аф пут-
невомс судебнай делопроизводст-
вас?

Ответ: ВЛКСМ-нь членте комсо-
мольский билетоц сьавондеви ань-
цек снйра, мзйра сон паньцеви
комсомолста, а иля кодамовок слу-
чайста сон козонга и киндига аф
макссеви. Станя жа аф мярьгонде-
ви ВЛКСМ-нь членский билеттненц,
станя жа кандидатскый карточкат-
ненц эзда кепсемс копият. Комсо-
молецт комсомольский билетоц
всякай случаяста должен улемс
мархтонза.

Кизефкс: Можно али аф орга-
низовандам пионерский отряд тоса,
коса пионерда аньцек 15 ломань?

Ответ: Можно сяс мес тя пионер-
отрядс школьникненц лувксста
безусловна касы.

Кизефкс: Можно али аф орга-
низовандам пионерский отряд
школаса, конань маласа аш ком-
сомольский организация, конац
обеспечиндакхце руководствать
тя отрядса.

Ответ: Школаса отряд можна
организовандам снйра, мзйра тя
отрядти макссеви вожатай. Кда нят
возможносттне ашот и аш кода при-
крепить тя школати комсомолец
вожатай маластонь комсомольский
организациятненц эзда, то пионер-
ский отряд пуропнемс аш кода.

Кизефкс: Кодама кружокт мож-
на организовандам пионерский
отрядса и мзйра?

Ответ: Пионерский отрядтненц
эса эрявихт пуропнемс стама кру-

жокт, конат заинтерисовандакшне-
сать пионерхненц и школьникненц.
Кружокне пуропневихт аф огра-
ниченной количестваса, сят кизеф-
ксненц тонафнемасон колга, ко-
натненц мархта школьникненц
улихт мяльсна.

Кизефкс: Кие комсомолонь рай-
комса должен оформлять райко-
монь бюронь заседаниянь прото-
колхненц?

Ответ: Комсомолонь райкомт
бюронь заседаниянь протоколц
оформлендакшневи и подписывает
лично райкомонь секретарьс.

Кизефкс: Можно али аф кадон-
домс школань пионерский отряд-
ти итненц, конат кодама либа при-
чинаса временна аф тонафнихт
(ашозь прима 5-це классти и стак
тов.), но мяльсна работамс пионер-
ский организацияса?

Ответ: Можно. Эряви стремин-
дамс, штоба нят итне афольхт
аерда пионерский организацият
эзда, штоба отрядс лездолъ син-
деест анокламс и йотамс школав.
Пионерхненц, конат аф тонаф-
нихт школаса, можнат пуроптомс
башка звенас.

Кизефкс: Эряви ли октябриянь
группатненц организационна офор-
мляндамс и явошнемс звездочкава?

Ответ: Октябриякс ащихт 1—3
классонь сембе тонафнихне. Илякс
мярьгомс 10 кизоти модемс. Пу-
ропнемс класса специальной октяб-
риянь группат и явошнемс синь
звездочкава аф эрявихт.

Кизефкс: Кие райкомса должен
составлять пионерский организа-
цият составонц колга статочетт
—пионеротрядонь заведующайс,
али райкомт технический работ-
никонц?

Ответ: Райкомонь пионеротде-
лонь заведующайс кочкси отря-
донь вожатайхненц кядьста сведе-
ният пионерхненц количествасон
колга. Отчеттс составляет райко-
монь технический работникс пио-
неротделт заведующаенц и рай-
комт секретаренц руководствас-
нон ала. Отчетс обязательна ке-
моксневи комсомолонь райкомт
бюросонза.

Пионерхненц йоткса кой-кона работань форматненц колга

Ламоц ВЛКСМ-нь пионеротде-
лонь заведующайхне, пионерво-
жатайхне тачимс аф йорайхт
шархкодемс итненц коммунисти-
ческий духса воспитаниянь рольт
и задачатненц. Аф йорайхт шарх-
кодемс ся истинать, што комму-
нистический воспитанияса инь глав-
най задачась—тя воспитандамс ит-
ненц Ленинонь—Сталинонь пар-
тияти преданостс.

„ВЛКСМ-нь ЦК-ть Пленумоц
мярьгонди сембе комсомольский
организациятненди исходить сянь
эзда, што итненц общественной
социалистический воспитанияса
пионердвижениясь тя пяк важнай
движения, што пионеротрядтне и
синь сборсна должетт ванондо-
вомс васендакигя, кода идень са-
модеятельностенц организация, ко-
нац преследует общественной, по-
литический и культурнай воспита-
ниянь цель.

Сяс и отрядт работазонза дол-
жен сувамс инь разносторонний
деятельност: лездомс школати и
учительхненди, азондомс итненди
важнейшай событиятненц, литера-
турань, морамань, музыкань, физ-
культурань техникат коряс идень
самодеятельностенц организацият

и ст. тов. Пионерорганизациятненц
сембе тя разносторонний работас-
на должен йотамс комсомольский
комитеттненц и пионервожатай-
хненц постоянной руководствасон
вельде, но таконь шовор осно-
вывандакшнемс итненц эсь само-
деятельностенц лангс“.

ВЛКСМ-нь ЦК-ть тя указанияц
арси программас пионероргани-
зациятненц сяда товодонь рабо-
тасон ладямасонды.

МАССР-са лувондови сембоц
1689 пионерский отрядт, 57671 пи-
онерхт. Тя идень огромнай армия.
Сяс и эряви комсомольский орга-
низациятненди и пионервожатай-
хненди практически лездомс пио-
нерорганизациятненц работасон-
ды.

Эряви азомс, што ламоц пионер-
вожатайхненц йоткса аф йорайхт
шархкодемс, кода правильнайста
организовандамс итненц йоткса
работать. Зубунь района, „Дуби-
тель“ заводонь пионерорганизация-
са вожатайсь сонць панчсесы
сборт, кочкси сборти призидиум,
тиенди докладт, ушоткшихт пре-
нрияса корхтама, сьорматкшихт
протоколт и сьорматкшихт ре-
шеният. Конешна тя методс мезь

мархтовок аф аерткшни оцю ло-
маттненц йоткса работань методт
эзда. Саранск ошса, госбанкн
пионерорганизацияса йотафне-
вихт аф сборхт, а настояшай кон-
цертт. Итне сборс пуромкшихт
аньцек кшнима. Тя пара, но вдь
итненц интересовандакшнесыне
аф аньцек кшнимась. Мес аф азон-
домс итненди Испанияса герои-
ческий народт и синь идьсон
эрфсон колга, мес аф азондомс
Советский Союзонь Геройхненц кол-
га и ст. тов. Инсарский района, ла-
ма пионерорганизацияса сборса пио-
нерхне лувондыхт аньцек газетат.
Тя мерьгтяма аф калдыав, но вдь
прокс лувондомс газетат, итнен-
ди тя скучноватай. Мес аф органи-
зовандамс беседат, гражданский
войнань участниконь воспомина-
ният и ст. тов.

Следовательно, тянь эзда лисен-
ди, што минь республикасонок
итненц воспитанияса явонкшне-
ви кафта противоположнай воспи-
таниянь группас: финце отряднай
сборхненц явошнесазь скороспеш-
най концертонь анокламат, а ом-
бонце стандартнай политшколань
работати.

Ванцаськ эрь группат башка
работанц: кода правила, отряднай
сборти эряви анокламс аф кова
кржас сборда инголе, сборонь те-
мать эряви анокламс пионерак-
тивт мархта марса пионеротря-

донь советса, а сяда пара уле-
ба кда темать обработандамс от-
рядса сембе пионерхненц мархта.
Кодапт могут улемс тематне—пио-
нерский сборса? Темада могут
улемс лама и интереснайхт.—Ста-
лин ялгат колга, Советский Со-
юзонь Геройхненц колга, Парижский
Коммунаць колга, СССР-са авать
эрфонц колга, Испаният колга,
Китайса японский кровопиеценц
каршос войнат колга, Севернай
полусть колга, Папанищенц колга,
Сталинский Конституцият колга,
СССР-са граждаттненц образо-
ванияти, трудти, ваймамат пра-
васон колга, Пушкинт, Гогольт
творчествасон колга и ст. тов.

Мярьгтяма, што фкя звенас по-
лучась задания анокламс сай сбор-
ти материал, конац характеризует
велеса сьормас содамат колга,
мзйра велеста тонафнихт средний,
высшай учебнай заведенияса, вооб-
щем сатомс сембонь, мезе тинь
веленте сатс сьормас содамат
инкса тюремаса, Октябрьский ре-
волюцияста сьавомк и тячиень
шити самс. Тя материалс можна
кочкамс учительхненц, вельсовет-
тненц и колхосненц лезксон вель-
де и велень граждаттненц лезкс-
сон вельде.

Омбоце звенась получась зада-
ния анокламс подробнай матери-
ал, конац няфтысь населениять
грамотностенц революцияда инго-

Физкультурникне РККА-ть и Военно- Морской Флотть XX кизонь топодема шистонза

Лыжный соревнованиясь, конань организован дазь МАССР-нь физкультурань и спортонь комитетсь и Осоавиахимонь центральной советсь аделавсь февральть 23-це шистонза 12 частста. Лыжникнень васьфтема и приветствовандама часть партийнай, комсомольский и советский организациятнень эзда представителхть.

МАССР-нь ЦИК-ть зданианц малас финишировандасть 23 райоттнень эзда 110 ломатть.

Эсь киснон йотамста лыжникне йотафнесть вельэрайхнень йоткса Якстерь Армиять и Якстерь Флотть XX кизонь топодемаснон колга 58 докладт. Синь азондозь колхозникнень Якстерь Армиять комсь кизонь пингста йотаф героический тюреманы кить.

Колмагемонь колхозонди максф практический лезкс тундань видемати анокламаса. Йотафть 13 докладт СССР-нь Верховнай Совету кочкаматнень итогснон колга.

Физкультурникне эсь киснон йотамста няфтезь политический сознательностьснон и физкультурнай закалкаснон.

С. С. К.

Саранск ош.

Советский народсь оцю радостьса васьфтезь РККА-ть и Военно-Морской Флотть 20-це годовщианц

Саранскяень фельдшерско-акушерский школаса февральста 21-це шистонза ульсь йотафть вечер, конац посвященной Рабоче-Крестьянский Якстерь Армиять и Военно-Морской Флотть XX годовщианцты.

Вечерса тись доклад Макаров ялгась, конац азондозе Рабоче-Крестьянский Якстерь Армиять и Военно-Морской Флотть героический тюремаснон международной и внешней контрреволюционной полчишатнень каршос.

Юнай натуралисттне работати!

Пяк козя материал од ломаттне кочксихть природань явлениятнень мельга систематический наблюденияса, кона эряви сянкса, штоба правильнайста, материалистически шархкодемс мирть. Тундась максылама возможность нят наблюдениятнень вятемс. Кой-кона ломаттне, конатнень одурманендась религиясь, тя пингсти самс аф кадондсазь лама предрассудкатнень и суевериятнень, конатнень веконь-веконь сувафнезь синь прязост культонь служительхне. Природань всякай явлениять нингя тя пингсти самс сотнекшнесазь религиознай празникнень мархта, пресловутай „святойхнень“ лятфнема шиснон мархта. „Крещенгянь якшапне“, „Колма святительнень войнась“, „Гречишница Акулинатне“, „Рассадница Матренатне“—сембе тя нуль, конац веконь-веконь озсесь ломаттнень сознаниязост и шовдалгафнезе синь миронь шархкодемаснон.

Тядненъ талось няфтезе, што природань явлениянь полафнемать аш кодамовок сотксоц религиознай вымыслатнень мархта. Кодамовок „миколахнь“, „крещенгянь“ якшап ашольхть. Но природань явлениятнень мельга наблюдениятне пях эрживихть вятемс. Нармоттнень самасна, насекомайхнень васенце звондамасна, растениятнень панжомасна—сембе сотнекшневи погодать полафнеманц мархта.

„Февральсь тундась ушоткшнесы“, корхтай народнай пословицась. Виде, афваномок пях кяжи якшапнень лангс февральста минь

Макаров ялгать докладонц аделамда меле корхтась Федькин ялгась—III-це курсонь ученик, хорошей общественник, конац максозень ПВХО-нь, ГСО-нь и ВС значекнень сембе норматнень. Сон макссь обязательства максомс нят значекнень омбоце ступеньса. Тяда меле корхтась Чеснаков ялгась—орденоносец, конац азозе гражданский войнаса тюремать белайхнень каршос. Выступленида меле ульсь художественнай часть.

И. Суслин

условиясонок, ушоткшнихть дямботне и крышатнень эзда путняматне.

Тя кизоня особенно пях рана ушодсь солсема ловсь крышатнень южной ширесост, коса ловть лангс тиевсь ни кувоня (фрин). Тяконь пингста пях тургодсь сиренть, пашоть, исать кутюнясна. Нармоттне, конат йотафнесазь минцонк талоть, ушоткшнихть морсема тундань морхт. Оцю каньф кирьхксь нингя январь 31-це шистонза таргазе васенце моронц, а февральть 8-це шистонза кулевсь оцю каньф кирьхкнень масовой морамасна. Пингонь пингонь и шакшатаське, кадондомок эсь чаксеманц, кайги трельса терни эстеенза пара. Щеглатне и пинем кирьхкне срксихть лиема северу. А крацне, конат йотафнесазь талоть Чернай морянь омба ширесонза, срксихть-ни кадомс эсь талонь квартираснон и самс эряма минь краенконди.

Крацнень Мордовияв самань средний сроксна мартть 14-це шиц, но кой-мязрада синь сашондыхть февральстонга. Тяфта 1919—1920 кизонь лямбе тундаста крацне сазь Саранскяи куроц февральть 15-це шидонза меле.

Тяниень кизоть лямбонза, ашместь корхтамска крацнень йоткса тисть переполох. Синь могут самс срукта инголе, а синь мельгаст кеподихть письмархне, и тундань васенце вестниконь пернатай нармоттне.

И. Поляков.

Саранск ош.

Кодамкс должен улемс комсомолсь велеса

СССР-нь Верховнай Совету выборхненди анокламаса избирательхнень йоткса Сталинский Конституциять и выборхнень колга Положениять тонафнемаса примосесть активной участия лама комсомолест и афсоюзнай одломатть. Одломаттне тя работать мархта справилсь цебарьста.

Но йотафтомок выборхнень лама комсомольский организация успокоились достигнутайть лангс. Синь ашотсь машта организовандамс од активть, конац ба мольфтельхне Сталинский Конституциять тонафнеманц вельэрайхнень йоткса.

Тяниень пингть комсомольский организациятне должетт организовандамс активть, конац ба тонафнелхне „РСФСР-нь Верховнай Совету кочкаматнень колга Положениять“ сянь инкса, штоба нингя сядла лац йотафтомс кочкаматнень.

Сембе серьезностьса тянди эрви кягьмодемс Ежкань комсомольский организациятне, конац тячимс кадозе тя тевть эсь отямлемати. Тя организациять лангс должен шарфтомс особай мяль Ковылкинаны ВЛКСМ-нь райкомсь, штоба организовандамс политиковоспитательнай работать комсомолеснень и афсоюзнай одломаттнень йоткса.

Козеев.

Ковылкинаны р-н.

Ликбезть колга

Ежка велеса ликвидаторкс работай Сайгин Гаврилсь, конац афграмотнайхнень мархта йофси афзанимандакшни, а аныцек симонди винада.

Тяда башка Сайгинць, работамок колхозса кладовщикокс, тись оцю растрата.

Минь энялъттяма РОНО-ти валхтомс работасть тя пьяницать, растратчикть и ладямс афграмотнайхнень тонафнемаснон.

Р.

Ковылкинаны р-н.

ле, кит ульсь грамотнайхть; васендакия, содаф, што грамотнай ульсь попсь, помещиксь, кулаксь, торговецсь, синь идьсна и лия, эксплуататорхнень идьсна, конат тонафнесть высшай учебнай заведениятнень эса. Кие ульсь афграмотнайкс велеса—трудящай крестьянтне и синь идьсна, а культурасть вастс велеса оязороньсамо державиясь озафнесь религиознай дурман, иредьста кабакт, бескультурья. Сон кирдезень трудящайхнень тяфтама состоянияс сянкса, штоба сядла тьожда ульсь эксплуатировандамс синь. Тяфтама материалсь можна кочкамс колхозник атятнень мархта, эсь родительснон, учительхнень мархта беседатнень вельде.

Колмоце звенась получась задания анокламс материал образованиянь кодама правасна улихть капиталистический странань трудящайхнень. Тейнек арай содафокс, што эрь капиталистический странаса, а особенно фашистскийхнень эса, образованиянди расхоттне йолмалгафневихть и касфневихть средстватне войнань анокламати; тоса безработицань ужаст, конац сатнесы эрь студенть и рабочайть; тоса вачаши, жестокай эксплуатация и пингта инголе кулома. Вовмезьса „мазепневи“ капиталистический странань трудящайхнень и синь идьснон эряфсна. Тя мате-

риалсь можна кочкамс газетатнень, журналхнень, книгатнень эзда, педагокнень мархта беседатнень эзда.

Нилеце жа звенась получась задания анокламс марса художественнай самодеятельностьнень кружокнень мархта декламацият, морнат, инсценировкакят сборонь йотафтомать темас коря.

Тяда башка отрядонь советти эряви обязательна выделить фкия звена, конац должен улемс дежурнайкс, конань обязанностезонза сувси анокламс помещения, оборудовандамс сонь сборонь темас коря, путомс тя комнатав свежай газетат, журналхт, настольнай играт, штоба сборть ушодомозонза итне улельхть заняфт синь мархтост.

Кочкаф материалхнень коряс звенатненьди эрживихть тиес диаграммат, коса няфтемс велеса грамотностьс касоманц великай Октябрьский революцияда меле и трудящайхнень аф грамотностьснон революцияда инголе. Тяконь мархта звенатне могут анокламс сборти фотоальбомт, тиендемок вырезкат газетатнень, журналхнень эзда, няфнемок СССР-нь граждатнень образованиянди великай праваснон. Тяконь мархта ряжок няфтемс капиталистический странань трудящайхнень нищетаснон, вача-шиснон, безработицать, вооруже-

ниянь касомать.

Сборсь эряви панжемсэсь пингтонза, итне эрживихть тонафнемс дисциплинати.

Васень кизефксокс сборса должен улемс ся, конанцты посещаетсь сборсь. Беседас эряви йотафтомс аф частта лама пингста. Тяда меле может улемс пионеронь ряттненьди примамы. Пионеркс примамань обшай порядкась: васендакия идьсь примосеви звенаса меле советса, а сядла меле утверждаеся общеотряднай сборса. Примамда меле пионерсь максси торжественнай обещания сембе отрядти и арси пионерхнень рядс. Тяда меле может улемс художественнай часть, конац должен отражандамс сборть теманц.

Сборсь должен модемс аф 2,5 частта ламос. Тяфтама сборхне, конатнень аноклакшнесазь пионерхне эсь вийснон мархта, улихть интереснайхть и увлекательнайхть.

Нингя минь макссетяма совет вожатайхненьди ознакомить Строев ялгать общеотряднай сборхнень йотафтомаснон колга статьязон мархта, конат печатлафт 1937-це кизонь 11-це № и 1938-це кизонь 1-це № „Вожатый“ журналса.

Вожатайхне должетт содамс нингя пионерхнень йоткса организационнай формань работатнень. Пионерский отрядтне тиендеви-

ерь школава 3-це класста сявомок 8-це классти модемс. Эрь отрядса пионерда должен улемс аф 40 идьта лама. Отрядтне явошневихть звенава, конатнень эса должен улемс аф 8—10-да лама пионер. Отрядонь советсь кочксеви фкия кизонди 7—9 ломаньцта.

Отрядса работась должен улемс йотафть тяфта: отряднай сборсь ковти весть, звенатнень сборсна—3-ть. Отрядть советоц кочксеви эрь ковне весть.

Аф правильнайста тянимс шархкотыкшнесазь кой-кона вожатайхне октябрятатнень йоткса работань кизефксть. Эряви мяляфтомс, што пионерский возрастти самс сембе итне тяни октябренокт. Синь йоткост работать должетт вятемс комсомолесне, учительхне, сядла сире пионерхне. Эрживихть йотафнемс беседат стама темаса, конат интересуют октябренокнень.

Эрь отрядть и звенать должен улемс работань планоц, конанц тиендсы отрядть советоц и кемокстакшнесы общеотряднай сборсь и звеньевой сборсь (звенань планть). Платтне эрживихть тиендемс фкия ковонди. Сборда башка планца должен улемс отраженной кружокнень работасна, экскурсиянь йотафтомась, соревнованиятне, коллективной курькснематне и ст.

(Пец 4-це стр.)

Юнкорхне сьормадыхть

Чамзинкань р.н. Кировь лемса колхозонь идень площадкаса заведующайсь Вельдяскинась цебярста ладзе работать. Идень площадкаса аши цебярста оборуовандаф помещенияса. Тясакасыхть, воспитандакшневихть 58 веселай, шумбра иднят. Идень гадсь тя кизоня максы возможность колхозницатненди апак канэсть идьсон инкса работамс социалистический паксыса.

И. Суслин.

Рыбкинань р.н. Од Толкувонь афполнай средняя школань пионерорганизацияса аф йотафневи кодамоков работа. Пионерхнен мархта аф йотафневихть сборхт; отрядса апак пуропт кодамоков кружокт. Пионерхнен мяк аш галстуксноток. Синь аф няфнихть пример школьникненди дисциплинаса, отличнайста тонафнемаса.

Пионерхне зняльдихть ВЛКСМ-нь Рыбкинань райкомти, штоба сон теест максоль лезкс.

Комсомолец.

Вирь Сазанонь велень советсь аф йотафнесы эряфс партиять и правительствать указанияснот сьормас аф содамать машфтоманц колга. Велень советсь даже аф содасы мзяра велеса афграмотнайда и малограмотнайда, а ликбезть работанц колга аш месь корхтамска.

Мон.

Сире Толкувонь комсомольский организациясь, коса лувондови 6 комсомолест, од ломаттнен йоткса кодамоков работа аф йотафни. Велень советсь одломаттнен колга йофси аф заботендай. Велеса аш изба-читальня, аш якстерь уженья—аш кодамоков культурнай васта, коса одломаттне йотафне-лезь эсь досугснот и получальхть теест зрявикс знаятнен.

Сире Толкувонь одломаттне зняльдихть Рыбкинань ВЛКСМ-нь райкомти и РОНО-ти, штоба синь курокона лездольхть теест велеса культмассовой работать ладямаса.

Е. Кяжин.

Малавонь средняя школань ученикне культурнайста йотафнесазь эсь досугснот. Школань директорсь Курятников ялгась ученикненди макссь условият занимадамс тьялонь спорта. Сон рамась 40 пархт лыжат и 40 пархт конькат.

Трошкин.

Тяка жа школась цебярста аноклась и васьфтезе Якстерь Армиять и Якстерь Флотть XX-це годовщинаснот. Ученикнен йоткса организовандафт и работайхть ПВХО-нь и Ворошиловский стрелокне кружокт, конатнен мархта йотафни знаят школань заведующайсь Курятников ялгась.

Трошкин.

Пионерхнен йоткса кой-кона работань форматнен колга

(П Е Ц)

Минь аф сембе вожатаеньке шарьхкодсязь отрядса кружковой работать вятманц. Тя работаса эряви шарьхкодемс, што кодама кружокт улихть школаса—драматический, музыкальный, стапт аф эрявихть организовандакшнемс отрядга, а кодапт аш—идьтнен мяльсна тонадомс радиотъ или морзень азбуканц эрявихть организовандамс.

Исключительна ошю вожатайть ролец отрядть работанц ладямаса. Вожатайсь должен работамс башка эрь пионерть мархта, заботендамс синь политический уровеньнот касомаснот инкса, ваномс эрь пионерть тонафнеманц мельгя—воспитандакшнемс коммунизмань духса.

„Эсь работасонза вожатайсь должен лисендемс сянэ эзда, што аныцек организованностень и культурань эсь личной примеронц мархта сон может сплотить дружной коллектив и воспитандамс башка эрь пионерть“.

(ВЛКСМ-нь ЦК-ть II-це

Пленумонц решениястонза).

Пленумть решениянц эзда арси шарьхкодевикс кодамкс должен улемс вожатайсь. Сон должен улемс всегда пионерхнен йоткса, улемс теест старшай ялгакс, лездомок теест отрядса, звенаса, школаса работать правильнайста ладяманцы педагогический советонзон мархта.

Особеннай мяль вожатайсь должен шарфтомс работаса дисциплинаса иляды пионерхнен лангс.

Тянка минь советуем вожатайхненди аккуратнайста якамс, районца йотафневи семинархненди, сяда сиденяста фкя-фкянь мархта полафнемс работань опытсна. Мес аф организовандамс Ельниковский райононь вожатайх-

ненди переписка Москвонь, Ленинградонь, Киевонь, Саранскянь и лия ошонь вожатайхнен мархта. Тя перепискась можна организовандамс райкомонь, горкомонь пионеротделхнен вельде. Тяда башка вожатайсь должен регулярна лувондомс „Комсомольская правда“, „Пионерская правда“, „Колхозные ребята“ газетатнен, „Пионер“, „Вожатый“, „Затейник“ журналхнен.

Самодетельнай кружокнен работаснот ладямаснот колга минь бамьярголема пионервожатайхненди кирдемс соткс идень художественнай воспитаниянь кудть мархта (Моску, Мамоновский переулок, дом №10), а технический кружокнен работаснот колга сотомс соткс идень центральной технической станциять мархта (Моску, Лубянский проезд, 4, под „езд 6“), а тьяфта жа Саранск ошонь идень технической станциять мархта (Саранск, гражданская 25).

Вожатайхне нингя должетт мяляфтомс сянэ, што обязательна эряви систематически кепсемс политический и общеобразовательнай содама шисна.

Вов иттнен йоткса работать колга основной кизефксне, конатнен минь няфнесайнек тя статьяса. Минь ба марса „Комсомолонь вайгяль“ и „Ленинонь киява“ газетатнен мархта максолеме пожела-ния минь республиканьконь пионервожатайснотды, штоба синь няфнелезь эсь работань опытснот нят газетатнен вельде и сьормадольхть кодама ба статьят синь мяльсна лувомс пионерработать колга.

ВЛКСМ-нь Мордовский обкомть пионер отделонь заведующаец П. Шалдыбин.

Испанияса фронттнен эзга

(Февральть 23—24-це шистонза Парижста ТАСС-ть кулянзон коряс)

Восточная (Арагонская) фронт

Февральть 24-це шистонза испанский оборонань министерствать кулянзон коряс, февральть 23-це шистонза мятежникне Теруэль районца заняь Гальяна вершинать. Февральть 24-це шистонза шинь перьф Теруэль секторса ашольхть кодамоков значительнай операцият. Республиканский артиллериясь Теруэль эзда север ширеса бомбардировандазень мятежникнен войскаснот. Республиканский авиациясь Канкуда районца обстрелял 1500 лувкса японский отряд и лама лувкс грузовикт, конат усксесть Теруэль—Сарагоса кигя мятежникнен войскаснот и военной снаряженияснот.

Центральной фронт

Февральть 22-це шистонза Аравака секторса (Мадрид эзда северо-запад шири) мятежникнен мяльснот сывомс позициятнен, конат тьяда инголе ульсь сывфт синь кядьстост. Мятежникнен атакаснот отразили республиканецне. Республиканский артиллериясь аф лама частонь пингста бомбардировандазень тязя пуроптф мятежниконь вийть.

Февральть 23-це шистонза мятежникне артиллериять поддержжаса йорасть атаквандамс республиканский позициятнен эль Пардо районца (Мадрид эзда север шири). Республиканецнен ширде ожесточеннай толса васьфтьф мятежникне потасть, кандомок ошю юмафкст. Республиканский войскастне заняь мятежникнен окопснот.

Лия фронттнен эзга аф отмечандакшневихть кодамоков операцият.

Авиациять действияц

Эспань агентствать кулянзон коряс, мятежникнен „Белеарес“ и „Канариас“ крейсера февральть 23-це шистонза маладсть Гихольс портти (французский границать эзда 70 километра) и тийсть 60 выстрел. Фкя снарядть мархта колаф портса аши французский судна. Берягса гражданский населения эзда ранендаф 3 ломатть. Тяда меле мятежникнен суднасна тусть маластонь Паламос портти, конанц тьяфта жа бомбардировандазнь, но результатфтома, сяс мяс ульсь вынужденайхть кадомс тья районть, конац ульсь атаквандаф республиканский самолетонь кафта эскадрильяса.

(ТАСС).

Китайса военной действиятне

Северная Китайса

Ханькоу, февральть 24-це шистонза. Февральть 21-це шистонза Хоцзянькоу районца (Цзининать эзда юг шири) японский войскастне атаквандазнь китаецнен, но атакась ульсь отбитай.

Ханькоу, февральть 24-це шистонза, Бейпин-Ханькоуский машина кинь фронта японецне шатыхть запад шири, Хуаньхэ лять севернай берегонц кувалмос. Февральть 22-це шистонза японецне йотазь Циньхэ лять и заняь Хуайцин и Мынсянь ошнен.

Цзинани районца китайский партизатне йотафтть нападения японский подкреплениятнен лангс, конац мольфетвь Энсянху ширес шоссейнай кить кувалмова. Кафта сядошка японский солдатт шавфт.

Яньцзюл веленять ала Цзининать маласа бойть пинкста китаецненди удалась фатямс 4 полевой орудият.

Ханькоу, февральть 25-це шистонза. Февральть 24-це шистонза японский авиациять ширде Усяна ошть бомбардировандамста Шаньси провинциять юго-восточнай пъялксонза прафтф японский фкя самолет.

Центральной Китайса

Ханькоу, февральть 24-це шистонза.

Тяньцзинь-Пукоуский машина кить южной участкань секторсонза китайский войскастне решительнай контратакаса пцтай окончателна панезь японецнен Хуайхэ лять севернай берягстонза и заняь эсь ингольден позицияснот.

Шанхай, февральть 24-це шистонза. „Шанхай ивнинг пост“ газетась пачфни куля, што февральть 25-це шистонза китайский партизанский отрядтне мольсть Шанхайть малас. Артиллерийский перестрелкась лац кулевсь Хунцяоса (Шанзайть эзда аф лама километрада юго-запад ширеса).

Южная Китайса

Шанхай, февральть 25-це шистонза. Кантонца пачфнихть куля, што февральть 24-це шистонза Гуандун провинцияса йотас ожесточеннай воздушнай тюрема китайский и японский самолеттнен йоткса. Китайский 11 самолетт апак учсек лиссть японский авиациять действиянь районцонза Цзэнчэнсяньт маласа (Кантон эзда восток ширеса) и кармасть тюрема японский самолеттнен мархта. Китайский летчикне прафтсть японский 4 самолетт. Газетатне отмечандакшнеза, што китайский авиациясь васенцеда нингя няфтсь тьяфта активность Южный Китайса. (ТАСС).

Мзярда судендасазь растратчикнен?

Йотась колма кофт-ни, кода „Красная Поляна“ колхозса ревкомиссиясь аделазе работанц. Сон лихтезень лангу растратчикнен Юртайкинть и Пиксайкинть, конат, работамок колхознай руководствомса, салсесть колхознай сьороть эса. Юртайкинть, счетоводсь,

карьхцясь 2 путт медь и 500 цалковайхть ярмак, Пиксайкинть, колхозонь ингольден завхозсь салась колхозста 23 центнерхт тозер, 13,6 центнерхт сура. Тяни Пиксайкинть эцесь учань аникс, коса кулофтсьни лама учат.

Рузаевкань р.н. А. И. Якушкин.

Ответ. редакторсь П. ЕЖОВ.

Упол. Главлито № Д-24. Заказ № 943. Тираж 3491.

г. Саранск, тип. „Красный Октябрь“.